

陶朱新錄
壟起雜事
行營雜錄

話腴
鶴山筆錄



Z121

60577

1
12868 陶

朱

新

錄

馬
純
撰

中
華
書
局

叢書集成初編

陶朱新錄（及其他四種）

中華書局出版發行

（北京王府井大街三十六號）

秦皇島市資料印刷廠印刷
一九九一年北京第一版

開本：七八七乘一〇九二毫米三十二分之一
統一書號：ISBN 7-101-00894-1/K·367

叢書集成初編所
選珠叢別錄墨海
金壺皆收有此書
墨海本在前故據
以影印

陶朱新錄提要

陶朱新錄一卷宋馬純煥純字子約自號樸樸翁單州城武人紹興中爲江西漕使隆興初以太中大夫致仕居越之陶朱鄉搜輯見聞著是書因名曰陶朱新錄純事蹟不槩見惟會稽志載其題能仁寺壁一詩譏詆僧宗昂有黃紙除書猶到汝定知清世不遺賢之句爲當時傳誦是書自宋以來史志及各家書目亦皆不著錄然周輝清波雜志引其中韓南一條稱爲樸樸翁陶朱集又稱樸樸翁單父人嘗宦於宣政間蓋卽此書知實出宋人非後來依託也所載皆宋時雜事大抵涉於怪異者十之七八亦洪邁夷堅志之流末附元祐黨籍一

碑與全書體例頗爲不類考錄中所記馬默思郭真人詩純蓋默之諸孫默在神宗朝以戶部侍郎寶文閣待制致仕奉祠後入黨籍南渡以後力反宣和之政以收人心凡黨人子孫皆從優叙故張綱華陽集中有論其除授太濫一疏然士大夫終以爲榮純載是碑蓋以其祖之故亦陸游自稱元祐黨家之意云

陶朱新錄

墨海金壺 子部

宋 馬 純 撰

樸散翁單父人也建炎初避地南渡旣而宦游不偶以非材棄遂僑寄陶朱山下蔡羹不糝晏然自得雖不足以語
述世無悶之道其山澤之癯乎因搜今昔見聞裒綴成帙
目曰陶朱新錄凡譏訕諄諛悉不錄焉紹興壬戌孟夏序
紹興間臨安府教授許叔微字知可真州人家世通醫常以
藥施人知可旣獲納薦將試之夕夢人遺詩云藥餌陰功陳
樓閣虛殿上呼盧喝六作五莫曉所謂已而預禮部奏名廷
試中第六名上名陳祖言下名樓材俄以文理優長升作第
五果符所夢唱名日殿上傳呼謂之臚傳故云呼盧借爲臚

也

呂吉甫知維揚日有呂川者賣詩於市句有可採者常與吉甫賡和有贈吉甫姪注少卿詩注好道清修之士也詩云峨眉月浸千秋雪太華峰搖十丈蓮一見昇平玉清客雪蓮聲價頓銷然又有贈致仕郭朝儀詩云漫道任公釣有神六鰲無跡海生塵爭如靜臥南窗下蘭菊任爭秋與春

有人題詩于太行山石壁上或以爲仙云太行千里連芳草獨酌一杯天地小醉臥花間人不知黃鸝啼破春山曉

王將明作館職時夢隨一道人行山間長松夾徑松根有故窟遺址俄至一室塵埃盈尺壁上挂一拄杖僧笠道人拂壁間塵有詩云白髮高僧苦愛山一餅一鉢老山間只因窺井

動一念從此松根丹竈閉道人曰此汝昔所居也將明意欲
留曰未可遂覺次日館中曝書偶取一小說其間記婦人窺
井生子事話其夢于衆

靖康間京城破有賈舍人者甚儒雅無金帛子女之畜嘗題
一絕于壁云愁見干戈起四溟恨無才術濟生靈不如痛飲
中山酒直到太平方始醒

內侍童師敏貫之養子也爲太師蔡京府承受每有奏請傳
達御前政和六年春師敏從駕過延福宴飲是日不果到府
第以狀申白京京以絕句答之云聞說羣花爛漫開知君醉
賞不能來臨風對酒空惆悵不得相從把一杯後十餘日上
召輔臣曲宴焉

蔡京作相大觀間因賀雪賜宴于京第庖者殺鵝于餘是夕京夢羣鵝遇以詩曰啄君一粒粟爲君羹內肉所殺知幾多下飭嫌不足不惜充君庖生死如轉轂勸君慎勿食禍福相倚伏京由是不復食

史徽京美大觀間題南京道河亭上云穀雨初晴綠漲溝落花流水共浮浮東風莫掃榆錢去爲買殘春更少留

靖康間京畿士人往往南竄鄧州南陽縣驛有女子字書清婉留題于壁云流落南來自可嗟避人不敢御鉛華却思當日驚鶯事獨立東風霧鬢斜

張或字景安文潛之子也俊邁有家聲一日赴調得蔡州權山市易務方欲出京當宣和間景隆門燈火極盛晁以道自

穎昌來潛觀遇之途景安欲拜而止之曰豈非小字僧哥者乎曰是也乃邀登酒樓飲酣贈以詩曰璧水衣冠明玉雪市樓風月話江湖莫學羣兒敗家法入門無不曳長裾景安建炎中爲陝府教授

吏部侍郎陳彥修有侍姬曰小姐氣羸多病所服率鍾乳丹砂睡則多異夢於園囿游處動作別是一塵寰也多向骨肉言之醫者引神農書云臆虛多夢亦不以爲異宣和間一女夢少年挾升酒樓飲酣少年執板歌以侑酒覺猶記云人生開口笑難逢富貴榮華總是空惟有隋堤千樹柳滔滔依舊水流東姬後生子名章爲廣南郡倅

張乖崖與傅逸人有舊誘之仕傅曰前已是相許也遂止開

竇中張與傅會于韓城終夕談話諸隣病瘡者皆不復發故
乖崖公有詩云每憶家園樂名賢共里閭劇談祛夜瘡幽夢
得鄉書漸長性情懶隔年音信疎終嫌累高節不得薦相如
傳每發家書必先夢故云又于外祖母文氏潞公之女也凡
見潞公花押必剪收云能愈痞疾也

黃定者於紹聖間有以牛目司馬溫公者因作冤牛文曰華
州村民往歲有耕山者日脯疲甚遂枕犁而臥乳虎翳林間
怒毳搖尾張勢作威欲噉而食之屢前牛輒以身立其人之
體上左右以角抵虎甚力虎不得食垂涎至地而去其人則
熟寢未之知也虎行已遠牛且未離其體人則覺而惡之意
以爲妖因杖牛牛不能言而奔輒自逐之盡怒而得愈見怪

焉歸而殺之解其體食其肉而不悔夫牛有功而見殺盡力於不見知之地死而不能以自明向使其人早覺而悟虎之害已則牛知免而獲德矣惟牛出身捍虎於其人未覺之前此所以功立而身斃嗚呼觀此可以見矣天下之害甚於騎虎忠臣之功力於一牛嫌疑之猜過於伏體不悟之心深於熟靡苟人主莫或察焉則忠義之恨何所自別哉傳稱妾佯偃而棄酒上存主父下存主母猶不免於咎古有忠義獲罪言猶諒夫客有目牛之事親過而弔焉余聞其語感而書寃牛云又自跋云是牛也能捍虎於其人未寤之前而不能全其功於虎行既遠之後其見殺宜哉

陳君嚮少年在京悅一小鬟有詩云無情今古垂楊岸客舍

不禁風絮亂他年若解拂人頭只恐青青顏色換又有春色
新晴詩雨過園林春半時新晴花卉弄妍姿有情紅蘂凝烟
重無力青條帶露垂解后酒杯成獨酌艱難觴豆與誰攜看
今盡迂回鸞仗獨恨青青嫩柳枝末句多不曉所謂時君
七十餘迎駕道旁蓋有所觀云

岳州有道人衣冠甚偉市人有指笑者因競入至郡郡將令
當直司問狀道人援筆書曰無事乘閒入洛陽便蒙州主問
行藏家居北斗魁罡下劒挂南辰月角旁衆異之趨呈守守
急召之已失所在

文潞公爲越之諸暨宰鼓樓新成書一絕于上曰挂向樓頭
一任撾搗多撾少儘從他黃紬被裏貪春睡舒出頭來道放

衙有不相喜者以詩達時相呂文穆公意其不事事欲中之也文穆見詩曰此人有宰相氣榜客次云候越州諸暨知縣文彥博到卽時傳報文公罷官歸銓曹有人告之公不肯往見或者再三勉之而往文穆一見大喜出諸子拜之曰他日皆出陶鑄又出文靖見之曰此子他日與公同秉政後皆然解州安邑鹽池廣數舍中有大渠作畦種鹽于渠旁畦下結鹽爲底厚數尺每日暮引渠水平渠次日昧爽前卽有大風起於池上謂之南風天欲明風止畦水皆成鹽矣去池數步卽無風但聞其聲渠水之源曰湧金泉出夏縣界有巫咸河自夏縣西南巫咸山旁谷中來此水能敗池鹽故作堤防之南風蓋無日無也

西洛自天津橋東至下浮橋謂之聚寶灘多美石間得瑪瑙
司馬溫公獨樂園在水南其孫植洛井獲瑰玉于其下無瑕
極美蓋洛陽水南北池中皆有寶而河灘特爲水蕩滌而見
故得名焉

蔡君謨爲諫官時父母留鄉里因通家信云諫官不是穩當
的差遣若緘口不言則辜負朝廷願大人勿憂也筆法勁密
在其孫仲字仲道處名公題跋甚多

王恩太尉自親事官出上皇時爲三衙其夫人爲買妾甚美
恩方詣之見恩憚間雕青驚指曰此何物也恩怒自失而回
謂夫人曰所買何等人必良家子遂訪之妾具言母縣主也
父死貧故見鬻乃呼其母至不肯言其實又諭之曰不要爾

還直顧但言之方道其事與妾同恩遂呼請小史之未婚者
令妾與母自擇配得一少年其家亦仕宦父爲右職卽命歸
白其父具聘禮恩又以數百千爲資送奩具戒其壻使善奉
其妻之母焉憶恩本一卒而有士君子之行宜其貴也

西施古名姬多不知所謂蓋越之蕭山諸暨之間有東施西
施二村至今猶存蓋西子生於西村者也

王彬燦然爲予言宣和間沿檄至金州石泉縣縣在亂山深
處有異人古貌美髯皁袍韋帶游城市間暮卽歸追之不可
及皆莫知其甲子道人云山間如此者有十餘輩其二常出
至邑中傳數世見之余但聞樵牧者時相遇耳又商於諸山
舊傳多異人蓋其地靈秀而然有一山樵者常聞音樂聲宣